



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bernardini Scardaeonii Patauini Presbyteri de Castitate Libri Septem

Scardeone, Bernardino

Venetiis, 1542

Alterum decretum per Coelestium papam xxx.q.i. c. lii

urn:nbn:de:hbz:466:1-30433

deinde usque ad finem decimi anni sextam feriam nulla interueniente redemptione obseruet in pane & aqua. Hæc de fornicatione simplici: sed maiore poenitentia diluitur fornicatio, si cum spirituali filia contingat. Quare ut intelligat unusquisque, quæ poenitentia huic flagitio à legibus præscribatur, hoc quoque decretum præscriptis uerbis in medium proferamus: quod habetur in sanctis patrum decretis, trigesima quæstione prima.

Alterum decretum per coelestinum papam

xxx. q. i. Cap. LII.

Siquis sacerdos cum filia spirituali fornicatus fuerit, sciat se graue adulterium commisisse: iccirco fœmina si laica est, omnia derelinquat, & res suas pauperibus tradat, & conuersa in monasterio Deo usque ad mortem seruiat. Sacerdos autem, qui malum exemplum dedit hominibus, ab omni officio deponatur, & peregrinando duodecim annos poeniteat. Postea uero ad monasterium uadat, ibique cunctis diebus uitæ suæ Deo seruiat. Hæc tenus decretum. De his uero qui contra naturam, aut cum uirginibus sacris peccarunt, quomodo etiam grauius puniantur superius suis locis dictum est. Discant modo impudici sacerdotes, quàm graue sit hoc peccatum, quod à legibus tanta poena plectatur: nec quod fornicantur plerique impunes, & pauculis psalmis, aut præcursibus absoluantur, legis poenas irrideant, quasi antiquata, & mortua: quoniam Deus non irridetur, & si quis forte ut paulo ante diximus temporariam poenam eludet, certe non euadet æternam. Nolite errare, inquit Apostolus, o Corinthii, neque fornicatores, neque adulteri, neque molles, nec masculorum concubitores regnum Dei possidebunt. Sed iam expediti à falsis, & fœdis cauillationibus lasciuorum, ueluti euecti è difficillimis scopulisque cotibus, pacatiore æquore deinceps, quo secundum uentum zephiri, ductore spiritu sancto uela faciamus, & de coniugatorum molestiis, quæ collecta magis quam intellecta à nobis sunt deinceps sequenti libro referamus.

R